

REGLUGERÐ

um skipulag og starfsemi Náttúrustofu Norðurlands vestra á Sauðárkróki.

1. gr.

Starfrækt skal Náttúrustofa Norðurlands vestra á Sauðárkróki.

Héraðsnefnd Skagfirðinga og önnur sveitarfélög í Norðurlandskjördæmi vestra, sem kunna að gerast aðilar að stofunni, eiga og reka hana með stuðningi ríkissjóðs.

Ríkissjóður greiðir laun forstöðumanns í fullu starfi. Framlag ríkissjóðs til stofnkostnaðar vegna húsnæðis- eða leigukostnaðar, og til bóka- og tækjakaupa getur numið allt að helmingi kostnaðar og fer eftir því sem ákveðið er í fjárlögum hverju sinni, enda liggja fyrir trygging um jafnhátt framlag frá heimaaðilum. Ríkissjóður er eigandi þess framlags sem hann leggur til stofnkostnaðar.

2. gr.

Auk framlags skv. 1. gr. hefur stofan tekjur af útseldri vinnu og annarri gjaldhæfri þjónustu. Renna þær óskiptar til stofunnar og hafa ekki áhrif á framlög ríkissjóðs og heimaaðila skv. 1. gr.

3. gr.

Þær eignir sem til stofnkostnaðar teljast skulu aðeins nýttar í þágu stofunnar, nema fyrir liggja samþykki ráðuneytisins um annað.

4. gr.

Hlutverk Náttúrustofu Norðurlands vestra á Sauðárkróki er:

- a) Að stunda vísindalegar rannsóknir á náttúru Norðurlands vestra.
- b) Að safna gögnum og varðveita heimildir um náttúrufar og stuðla að almennum náttúru- rannsóknum og skal einkum lögð áhersla á Norðurland vestra og sérstöðu náttúruvafars á þeim slóðum.
- c) Að stuðla að æskilegri landnýtingu, náttúruvernd og fræðslu um umhverfismál bæði fyrir almennig, fyrirtæki og í skólum á Norðurlandi vestra. Skal í þessu sambandi hafa náið samstarf við starfsmenn annarra stofnana sem vinna að sömu málum.
- d) Að veita fræðslu um náttúrufræði og aðstoða við gerð náttúrusýninga á Norðurlandi vestra.
- e) Að veita sveitarfélögum á Norðurlandi vestra umbeðna aðstoð og ráðgjöf á verksviði stofunnar m.a. vegna verndar og nýtingar náttúrulegra auðlinda, skipulagsmála og mats á umverfisáhrifum framkvæmda, enda komi greiðsla fyrir.

5. gr.

Heimilt er Náttúrustofu Norðurlands vestra á Sauðárkróki með sérstökum samningi, að gerast aðili að sýningarsafni, en fjárhagur hennar og safnsins skal vera aðskilinn.

6. gr.

Yfir Náttúrustofu Norðurlands vestra á Sauðárkróki skal starfa sérstök stjórn, skipuð þremur mönnum og þremur til vara. Skulu sveitarfélög sem aðild eiga að stofunni tilnefna tvo menn og ráðherra einn mann og skal hann vera formaður stjórnarinnar. Sömu reglur gilda um varamenn. Skipunartími stjórnar er milli reglulegra sveitarstjórnakosninga.

Hlutverk stjórnar er að hafa eftirlit með rekstri stofunnar, fjalla um og samþykkja fjárhagsáætlun og fylgjast með fjárhag hennar og starfsemi.

Kostnaður vegna starfa stjórnar greiðist af stofunni.

7. gr.

Stjórn stofunnar ræður forstöðumann í fullt starf. Hann skal hafa háskólapróf í náttúrufræði eða sambærilega þekkingu. Hann stjórnar daglegum rekstri stofunnar, gerir fjárhags- og starfsáætlanir, fer með fjármálaleg samskipti fyrir hönd stjórnar, ræður að henni starfslið með samþykki stjórnar og er í fyrirvari fyrir stofuna.

Forstöðumaður skal sækja lögbundna fundi Náttúrufræðistofnunar Íslands og náttúrustofa til að samræma starfsemina og greina frá niðurstöðum rannsókna sem unnar hafa verið í stofunni.

8. gr.

Til að sinna hlutverki náttúrustofunnar skal sérfræðingum og aðstoðarmönnum þeirra á stofunni sem stunda almennar náttúrufræðingarnir eða söfnun náttúrugripa og annarra heimilda um náttúruna frjáls för um lönd manna, en forðast skulu þeir óþarfa átroðning og skylt er að greiða fullar bætur fyrir tjón sem þeir kunna að valda.

Sömu aðilum er í þessu skyni heimilt að safna náttúrugripum hvar sem er án þess að endurgjald komi fyrir. Þetta gildir þó ekki ef um er að ræða náttúrugripa sem fémætir eru fyrir landeiganda eða aðra réttihafa lands.

Komi í ljós við rannsókn, verðmæti sem áður voru ókunn, ber rannsakanda að tilkynna réttihafa þess lands þar sem verðmætin eru.

9. gr.

Reglugerð þessi er sett skv. 2. mgr. 12. og 16. gr. laga nr. 60/1992, um Náttúrufræðistofnun Íslands og náttúrustofur, og öðlast þegar gildi.

Umhverfissráðuneytinu, 17. febrúar 1998.

Guðmundur Bjarnason.

Ingimar Sigurðsson.

AUGLÝSING

um staðfestingu á svæðisskipulagi sveitarfélaga norðan Skarðsheiðar.

Samkvæmt skipulags- og byggingarlögum nr. 73/1997 hefur umhverfissráðherra þann 19. febrúar 1998 staðfest svæðisskipulag norðan Skarðsheiðar 1997-2017 er tekur til eftirfarandi sveitarfélaga: Andakílshrepps, Skorradalshrepps, Lundarreykjadalshrepps, Reykholtaldalshrepps og Hálsahrepps.

Frestað er staðfestingu á vegstæði Borgarfjarðarbrautar milli Flókadalsár og Kleppjárnreykja, þ.e. á veglinum 1 og 3 skv. frummatsskýrslum um mat á umhverfisáhrifum.

Svæðisskipulagsuppdráttur og greinargerð hafa hlotið þá meðferð sem skipulagslög mæla fyrir um, samþykki sveitarstjórna ofangreindra sveitarfélaga og skipulagsstjórn ríkisins hefur afgreitt erindið til staðfestingar.

Umhverfissráðuneytinu, 19. febrúar 1998.

Guðmundur Bjarnason.

Magnús Jóhannesson.